

Morning Regional Dogri News Bulletin, 04th May 2024

मार्निंग डोगरी न्यूज़ बुलेटिन, | e. 09-20 Hrs

<><><><><><>

Headlines

- 1 बारामुला लोकसभा सीट लेई चुनां प्रचार जारी। मुख् मकाबला पीडीपी, नैषनल कांफ्रेंस ते जम्मू कष्पीर पीपल्स कांफ्रेंस बष्कार। चुनां मैदान च कुल मेदवारें दी गिनतरी 38।
- 2 प्रदेश जांच अजेंसी एसआईए नै राजौरी जिले च लष्करे तैयबा दे इक फरार आतंकवादी दी सम्पत्ति जब्त कीती।
- 3 जम्मू दे डिवीजनल कमीषनर होरें रामबन दा दौरा कीता ते जिमीं धस्सने कारण प्रभावत लोकें लेई राहत उपाए दी समीक्षा कीती।
- 4 आईसीसी रैकिंग च भारत टी&20 ते इक रोजा अंतर्राष्ट्रीय मैचें च अव्वल नंबरै पर बरकरार, टैस्ट रैकिंग च दूर्इ थाहर हासल।

<><><><><><>

Baramula PC

बारामुला पार्लिमानी हल्के च त्रै प्रमुख पार्टीं बष्कार त्रिकोनी मकाबला दिक्खने गी लब्भा'रदा ऐ। एह्दे च नैषनल कांफ्रेंस दे नेता ते साबका मुख्मंत्री उमर अब्दुल्ला, जम्मू कष्पीर पीपल्स कांफ्रेंस दे सज्जाद गनी लोन ते जम्मू कष्पीर पीपल्स डैमोक्रेटिक पार्टी दे फयाज अहमद मीर 'गामल न। बीजेपी नै कष्पीर दी त्रैनें सीटें आस्तै अपने मेदवार मैदान च नेइं तोआरे न। कांग्रेस पार्टी तरफा बी कोई मेदवार चुनां नेईं लड़ा'रदा ऐ। बारामुला पार्लिमानी हल्के आस्तै कुल 38 मेदवारें नामांकन दाखल कीता ऐ। नामांकन भरने दे खीरी दिन यानि कल 19 मेदवारें अपने दस्तावेज रिटर्निंग अफसर मींगा 'रपा होरें गी जमा करोआए। अज्ज नामांकन पत्रें दी जांच कीती जाग ते मेदवार अपना नामांकन 6 मई 2024 दपैहरी 3 बजे दे पैहले वापस लेई सकदे न।

<><><><><><>

CEO Baramulla

मुख् चुनां अधिकारी जम्मू कष्पीर पी.के.पोले होरें कल बारामुला दा दौरा कीता ते वोट गिनतरी केन्द्र ते स्ट्रांग रूम, जेह्ड़े के इंडोर स्टेडियम बारामुला च बनाए गेदे न, दा निरीक्षण कीतां इस दरान पोले होरें पारदर्शी दे सेही वोट गिनतरी प्रक्रिया आस्तै सारें बंदोबस्तें दी तफसीली जानकारी लैती। उनें सुरक्षा बवस्था दा बी जायजा लैता तां जे चुनां प्रक्रिया दी अखंडता ते मर्यादा बनी दी रवै।

<><><><><><>

SIA Rajouri

प्रदेश जांच अजेंसी नै 'गुक्रवार गी लष्करे तैयबा दे इक आतंकवादी दी संपत्ति जम्मू कष्पीर दे राजौरी जिले च कुर्क कीता। अब्दुल हामीद खान दे नां दे इस आतंकवादी दी अचल संपत्ति जेह्ड़ी जे मजकोट तैहसील दे पंजगाई च ही, गी गैर कनूनी गतिविधिएं दी रोकथाम सरबंधी अधिनियम(यूएपीए) दे हेठ अदालती आदेश दे अनुसरण च कुर्क कीता गेआ ऐ। प्रदेश

जांच अजेंसी एसआईए ते यूएपीए हेठ हामीद खलाफ 2021 च मामला दर्ज कीता हा। जेहदे च जोडेआ गोआ हा जे हामीद नै 1992 च बन्ने पार पाकिस्तान जाइयै थेआर सरबंधी ट्रेनिंग लैती ही ते हुन हामिद एलईटी कन्नै जुडे दा ऐ ते पाकिस्तान रेइयै आतंकवादी गतिविधियां चला'रदा ऐ। जांच च सामने आया ऐ जे हामिद राजौरी च होइ दी आतंकवादी गतिविधिं ते हमलें च 'गामल हा। इस आतंकवादी पर स्लीपर सैल तैआर करने ते नोजवानें गी अपने आतंकवादी गुट कन्नै जुड़ने आस्तै प्रोतसाहित करने दा बी आरोप ऐ।

<><><><><><>

Ramban AI

जिला पुलस रामबन नै नवयुग चैकिंग प्लाजा बनिहाल च आधुनिक आर्टिफिषल इंटेलीजेंस पर आधारित चेहरा पंछानने आली प्रणाली दी 'गुरुआत कीती ऐ जेहदे राएं आतंकवादी गतिविधिं च 'गामल लोकें दी पंछान कीती जाग। जम्मू श्रीनगर राष्ट्री जरनैली षिडक पर मती चौकसी दे अलावा इस प्रणाली कन्नै लोकें दी सुरक्षा ते जुर्म कन्ने निबडने दी ताकत बधी ऐ। खबरें दे हवालें कन्ने दस्सेआ गोआ ऐ जे एसएसपी रामबन होरें आर्टिफिषल इंटेलीजेंस आधारित चेहरा पंछानने दी प्रणाली गी अपराधिं दा पता लाने च मता सहायक दस्सेआ ऐ।

<><><><><><>

Cluster Universities

मुख सचिव अटल डुल्लू होरें जम्मू ते श्रीनगर दिएं क्लस्टर यूनिवर्सिटिं दी कारकरदगी बधाने पर जोर दित्ता ऐ तां जे इनें षिक्षा सरबंधी नवीनीकरण ते उत्कृ'टता दे क्षेत्र च बेहतर बनाया जाई सकै। मुख सचिव होरें कल श्रीनगर च इक बैठक दी अध्यक्षता करदे होई विष्वविद्यालयें दे कम्म काज कन्नै जुडे दे मसलें दी नजरसानी कीती। उनें आखेआ जे एह 'ैक्षणिक संस्थान छडे इक क्षेत्र च गै नेई, सगुआं पूरे देष च उत्कृ'टता दा प्रतिमान बनने चाहिदे।

<><><><><><>

Advisor Sanasar

उपराज्यपाल हुंदे सलाहकार राजीव राय भटनागर होरें कल रामबन जिले दी सन्नासर थाहर दा दौरा लाया ते उत्थें षिक्षा ते सेहत सरबंधी बुनियादी ढांचे दी नजरसानी कीती। सलाहकार होरें गौरमेंट अप्पर प्राइमरी स्कूल, चौरी सन्नासर दा दौरा लाया ते अध्यापकें कन्नै गल्लबात करियै स्कूल च दित्ती जा'रदी षिक्षा बारे जानकारी लैती। भअनागर होरें नत्था टॉप प्राइमरी हैल्थ सेंटर जाइयै लोकें गी दित्ती जा'रदियां सेहत सुविधाएं दा बी जायजा लैता। सेहत मैहकमे दे स्टाक गी राजीव राय भटनागर होरें क्षेत्र दे पिच्छडे होने करी उनें आवा'रदिं मुष्कलें बारे पुच्छेआ तां जे उनेंगी दूर कीता जाई सकै।

<><><><><><>

Div.Com-Pernote

डिवीजनल कमीषनर रमेश कुमार होरें कल जिला प्रषासन परनोट तरफा लोआए दे राहत षिविर दा दौरा कीता। इस षिविर च परनोट थाहरै पर जमीन धस्सने कारण प्रभावत लोकें गी रखेआ गोआ ऐ। डिवीजनल कमीषनर होरें प्रभावत परोआरें कन्नै गल्लबात कीती ते उंदे आस्तै कीते गेदे प्रबंधें दा तफसीली जायजा लैता। प्रभावत लोकें दी मंगें दे परते च डिवीजनल कमीषनर होरें आखेआ जे उपराज्यपाल मनोज सिन्हा हुंदे निर्देषें मताबक जिला प्रषासन प्रभावत परोआरें गी मुआवजा देने आस्तै जमीन दिक्खा'रदा ऐ जे ओ जमीन धस्सने आली थाहर नेइं जान। मगरा रमेश कुमार होर डिगडोल सुम्बर बी गे ते रामबन—गूल षिडक बंद होने दी पछोकडै च आओजाई लेई होर दुए विकल्पें दी पक्की बवस्था करने दी हिदायत दित्ती।

<><><><><><>

Machail Yatra

किष्णवाड़ दे जिला विकास कमीषनर डॉ. देवांष यादव होरें कल सरबंधत बक्ख-बक्ख मैहकमें ते अजेंसिएं दे प्रतिनिधिएं कन्नै इक बैठक लाइयै, औंदी श्री मचेल माता यात्रा लेई तैआरिएं दा जायजा लैता। डीसी होरें गुलाब गढ़ च बनाए जा'रदे यात्रा भवन, सेफायर गैस्ट हाउस, एलपाइन हट ते सजाने संवारे ते मरम्मत दे कम्मं दी बी समीक्षा कीती। डॉ. यादव होरें सड़क हादसे दी 'ीका आले इलाकें च सड़कै कंडे मजबूत क्रैष बैरियर लाने, सड़कें पर लोडचदी प्रमुख थारें साइन बोर्ड, रस्ता दस्सने आले नषान ते यात्रा गी पूरी चाल्ली रमानदारी ते बवस्था आले ढंगै सिर तोड़ चाढ़ने लेई लोडचदे सब्बै प्रबंधन समें सिर करी लैने पर जोर दित्ता।



Wani Congress

जम्मू कष्मीर प्रदेश कांग्रेस कमेटी दे अध्यक्ष वकार रसूल वाणी होरें दावा कीता ऐ जे जम्मू कष्मीर च रौहने आले ओबीसी वर्ग दे लोक जेहड़े क्या चिरै थमां अपने हक्क हासल करने दी मंग करा करदे न, उंदा सब्र हुन खत्म होंदा जा करदा ऐ। जारी इक ब्यान च वाणी होरें आक्खेआ जे बीजेपी नै योग्य ओबीसी वर्गें गी उंदा दर्जा देने गी अनदिक्खा कीता ते उनेंगी झूठे वायदें ते 'गड़िएं गल्लें दे इलावा होर किष बी हासल नेइं होआ। उनें आक्खेआ जे कांग्रेस पार्टी मुख भरै च जाति दे आधार पर मरदमषुमारी कराने लेई 'गसन च हर वर्ग गी बनकदी नुमायंदगी दोआने लेई वचनबद्ध ऐ।



Raina-BJP

बीजेपी दे जम्मू कष्मीर दे प्रदेश अध्यक्ष रविन्द्र रैणा होरें कुपवाड़ा च पार्टी दे कार्यकर्ताएं गी आक्खेआ जे ओ खित्ते दे सामे ते पूरे पराते विकास लेई सरकार दे एजेंडें गी अगड़े बधान। कुपवाड़ा थमां आए दे पार्टी कार्यकर्ताएं दी बैठक गी संबोधत करदे होई रैणा होरें पार्टी कारकूनें गी आक्खेआ जे ओ जिले दे हर बूथ तगर पुज्जियै मोदी हुंदी अगुवाई आली केन्द्र सरकार दिए बक्ख-बक्ख स्कीमें दे लाभार्थिएं कन्ने मिलन ते इनें स्कीमें बारे बड़डे पैमाने पर जागरूकता बी फैलान तां जे मते 'ग मते लोकें इनें स्कीमें थमां लाह ठोआइयै अपने जीवन स्तरे गी उबड़ा चुक्कन।



School Safety

डोडा जिले च भागवाह ते डोडा जोन दे अध्यापकें लेई जोन सतह दे इक सिखलाई ते जागरूकता कार्यक्रम दा सरिस्ता कीता गेआ जेहूदा मकसद 'स्कूलें गी बच्चे लेई पूरी चाल्ली सुरक्षत' बनाने बारे अध्यापकें च जागरूकता पैदा करना हा। इस कार्यक्रम दरान अध्यापकें गी बच्चें दी सुरक्षा जकीनी बनाने दे बक्ख-बक्ख उपाए ते तरीकाकार बारे जानकारी दित्ती गेई। इस मौके जैड ई ओएं कार्यक्रम च 'गामल अध्यापकें गी जोर देइयै आक्खेआ जेओ इस कार्यक्रम दे नतीजें च सामने आई दिए गल्लें पर पूरी संजीदगी कन्नै गौर ते अमल करन।



Ancient Temples

साबका विधायक ते बीजेपी नेता देवेन्द्र सिंह राणा होर जम्मू प्रांतें च पराने विरासती ते एतिहासिक मंदरें ते देव अस्थानें दे संरक्षण ते उंदी परानी 'गान ब्हाल करने दी जरूरतै पर जोर दित्ता ऐ। नगरोटा च श्री माता वै'णो देवी जी दी यात्रा दे पारम्पारिक पैहले दर्शन आले पड़ाह कौल कंडोली गी प्रमुखता कन्ने उजागर करने दी जरूरतै पर जोर दिंदे होई राणा होरें आक्खेआ जे ऐसे केई होर बी मंदर ते अस्थान जेहड़े री माता वै'णो देवी जी दी रिवायती यात्रा दे रस्ते दे महत्वपूर्ण पंडाह होंदे हे, जिनेंगी परतियै 'गुरु करियै इनें थारें दा बी विकास कीता जाई सकदा ऐ।



Cricket

अंतर्राष्ट्रीय क्रिकेट काउंसल दी ताजा रैंकिंग मूजब भारत टी-20 ते इक रोजा अंतर्राष्ट्रीय मैचें च पैहले नंबरै पर बने दा ऐ जिसलै जे टैस्ट मैचें दे लिहाज कन्नै ओ दूई थाहरै पर ऐ। आईसीसी विष्व टैस्ट चैंपियनशिप दा जेतू आस्ट्रेलिया भारत गी पिच्छे छोड़ियै पैहले नंबरै पर आई गोआ ऐ ते हुन क्रिकेट दी गै इक होर खबर। आईपीएल च जंदी रातीं मुंबई दे वानखेडे स्टेडियम च खेड़डे गेदे इक मैच च कोलकाता नाईट राईडर्स नै मुंबई इंडियन्स गी 24 रंजें कन्नै हराई दित्ता। जित्त लेई लोड़चदे 170 रंज दे लक्ष्य दा पिच्छा करदे होई मुंबई इंडियन्स दी पूरी टीम 145 रंज पर गै आउट होई गई। अज्ज बैंगलुरु दे एम.ए.चिन्नास्वामी स्टेडियम च गुजरात टाइटंस दा मकाबला रॉयल चैलेंजर्स बैंगलोर कन्नै होग। मैच संजा साढ़े 7 बजे होग।

<><><><><><>